

Астрободадн келаётган подшоҳ хазратлари Хўжа Аббос мавзесига келганда тахтиравондан тушди. Негаки уни бир умрлик дўсти кутиб олаётганди. Аммо негадир дўсти подшо билан дийдорлашмоқ учун отдан тушиб келаётса-да, юришга куввати колмаётгандай кўринди. У бир кўлини Хўжа Абдуллонинг елкасига, иккинчи кўлини Хондамирнинг кифтига кўйиб тахтиравонга якинлашди ва подшоҳ хазратларининг кўлини ўпдию, холсизланиб ерга ўтириб колди. Бехуш бўлиб колган киши Мир Алишер Навоий хазратлари эди.

Болаликдан бирга вояга етгани боис вақт ўтиб подшоҳ ва вазир даражасига чиккан Хусайн Бойкаро ва Алишер Навоий дўстлиги умрбод давом этди. Алишернинг оиласи ва кариндош-уруглари темурийлар хонадонига якин амалдорлардан бўлиб, отаси Гиёскадин Кичкина Абулкосим Бобурнинг сарой амалдорларидан, кейинрок эса Сабзавор шахрига хоким хам бўлганди. Бу холат ака-укалар Бахлулбек, Алишербек ва Дарвешалибекларнинг болаликдан темурий шахзодалар билан мактабда ўқишига сабаб бўлди.

Гарчи Хуросонда тожу тахт учун бўлган курашлар боис Гиёсиддинлар оиласи Ирокка кўчса-да, Алишер ёшлигида Машхад ва Самарканддан Хиротга келиб, аввалига саройда мухрдор, кейин вазир, Астробод хокими бўлиб ишлади. Навоийнинг акаси Шайх Бахлулбек ўша вақтда Хуросонга карашли бўлган Хоразмнинг, укаси Дарвешали Балх вилоятининг хокими бўлиб фаолият кўрсатишганди. Гиёсиддиннинг учала ўгли — Бахлулбек, Алишербек ва Дарвешалибекларнинг вилоятларга хоким бўлиши Хусайн Бойкаронинг уларга бўлган ишончу эътибори туфайли эди.

Аммо хамма даврларда бўлганидек, сарой ўйинлари туфайли баъзида ораларида келишмовчилик, бир-бирини тушунмаслик холатлари хам бўлиб турарди. Гарчи Навоий бутун умрини ижодга бахшида килиш ниятида эгаллаб турган мансабларидан бир неча бор истеъфога чиккан бўлса-да, Хусайн билан болаликдан дўстлиги сабаб, салтанат ишларидан узоклашиб кетолмасди. Унга подшоҳ инъом килган кўплаб ер-сув, мол-мулкни хам турли мавзеларда 52 работ, 16 кўприк, 20 хонакох, 9 хаммом ва 20 та ховуз ташкил этишга сарфлоди. Ўн саккиз минг шохрухий динордан иборат бир кунлик даромадиниям хайр-саховатга багишлади. Хатго салтанат юмушлари деб хаж зиёратига бориш хам йилдан-йилга ортга сурилди.

Вақт ўтиб, Хусайн Бойкаро салтанати хам шахзодалар ўртасидаги жангу жадаллар туфайли бекарор холатга бориб колганди. Хусусан, Навоий Машхадда бўлган пайти-да келгусида адолатли хукмдор бўлади, дея орзу килган шахзода Мўмин Мирзонинг 1497 йил ўлдирилиши, Бади-уззамон ва Хусайн Бойкаро ўртасидаги можароларни авжига чикарди.

Шунингдек, Алишернинг фарзанди каби якин бўлган жияни Хайдарбекнинг 1499 йилда давлатдан норози кайфиятдаги киши сифатида катл этилиши, укаси Дарвешалининг Балх хокимлигидан бўшатилиши, малика Хадичабегимнинг турли фитна ва игволари туфайли салтанатдаги ўзаро низоларнинг кучайиши 1500 йилга келиб Алишербекнинг

соглигига катта таъсир килиб, декабр ойдан ўзини ёмон сезадиган, бош огриши, кўл титроги тез-тез безовта киладиган бўлди. Бу пайтда даҳо шоир 59 ёшда бўлиб, касаллигига карамай, хамиша мўйсафидлардек хушёр ва доно эди.

Шу боис Хусайн Бойкаронинг исён кўтарган ўгли Мухаммад билан ярашганидан хурсанд бўлиб, 1500 йил жумодул-охир ойининг 6-санасида, хабар келган захоти бир гуруҳ амалдорлар билан йўлга чиқди. Жума кунида улар отда Хўжа Аббос мавзесида подшоҳни кутиб олдилар ва шу ерда Навоий хазратлари хушидан кетди.

Бундан ташвишланган Хусайн Бойкаро дўстини тахтга ётқизиб, Хўжа Абдуллога беморнинг холидан хабардор бўлиб туришни топширди. Навоийнинг ташки кўриниши ва томир уришида сакта аломатлари кўриниб колганди. Сакта — инсулт ёки бошқача айтганда мияга кон куйилиши эди. Бунинг давоси эса кон олиш бўлган.

Бир гуруҳ табиблар касалдан шу ернинг ўзида кон олишни таклиф килишади. Аммо сарой табиби бўлган Низомаддин Абдулхай бирон хато бўлиши мумкинлигини, шоирни Хиротга олиб бориб, ўша ерда кон олишни афзал хисоблайди. Бу фикрни Хусайн Бойкаро бемор учун маъсул деб белгилаган Хўжа Абдулло ҳам маъқуллагач, беҳуш холатдаги Навоий хазратларини Хирот томон олиб кетадилар.

Йўлда касаллик аломатлари кучайгач, Хондамир (1475-1535) Хўжа Абдуллога, агар кон олиш кечиктирилса, даво-лашдан фойда бўлмаслигини айтади. Шунда Хўжа Абдулло бемор холини кўра туриб, Хусайн Бойкаро хузурига — Хиротга чопар йўллаб унинг фикрини сўрайди. Бойкаро кеч бўлсада кон олишни буюради. Аммо чопар келиб бу амрни етказгунича, колаверса, кон олувчини йигирма чакирим олисдан олиб келгунча вақт ўтганди. Яъни кон олганларида 320 граммдан ортик кон чиқмайди. Шу тахлит касаллиги зўрайган Навоийни жума куни ярим кечада уй-ига олиб келишади. Эртасига шанба куни эса иккинчи бор табиблар кон олмокчи бўладилар. Бирок, фурсат бой берилганди. Бу пайтда дўстини кўргани етиб келган Бойкаро ҳам беморни беҳуш холда кўриб, вақт ўтганини англайди. Эртасига якшанба куни тонгда эса буюк мутафаккир ва давлат арбоби Мир Алишер Навоий мияга кон куйилиши касаллигидан вафот этди. Бу маъшум воқеа 1501 йил 3 январь куни Хиротда рўй беради.

### **Кўркоклик замиридаги хато**

Сакта (мия инсулти) касаллигининг тўсатдан юз бериши натижасида Алишербек хушидан кетди. Ўша жойда бўлган Хуросон подшоҳи Хусайн Бойкаро, бир канча амалдорлар, табиблар ва саройнинг бош табиби Абдулхай Зиёратгохий Навоий хаётини ажал домидан саклаб қолишга киришдилар. Аммо нафакат табибларга, балки оддий кишиларга ҳам маълум бўлган холат — сакта юз берганида биринчи навбатда бемордан кон олиш кераклигига бош табиб амал қилмади. Хўш, бундай кечирилмас хатога йўл қўйган сарой бош табиби Абдулхай ким ва у нега бу мудхиш ишни қилган?

Маълумки, Навоийнинг хушидан кетиши 906 йилнинг жумодил-охир ойида—милодий 1500 йил декабрида, дўсти Хусайн Бойкаро Астробод юришидан Хиротга кайтаётганида юз берган. Яъни, Навоий хазратлари хукмдор Бойкаро жанобларини кутиб олишга пешвоз чиккан эди.

Ажабланарлиси шундаки, дўсти Алишербек тўсатдан беҳуш бўлиб колганида, подшоҳ Бойкаро уни табибларга топшириб, ўзи Париён работига йўл олган.

Хондамирнинг «Макорим-ул-ахлок» асарида ёзилишича, подшоҳ кетаётганида амалдор Хўжа Абдуллога Навоийнинг холидан хабар олиб туришни топшириб, ўз тахти равони — миҳаффани колдиради. Миҳаффа — ётиб кетиш ҳам мумкин бўлган кажава бўлиб, унинг икки томонига от кўшиб юриларди. Хўжа Абдулло Навоийни ана шу миҳаффага ёткизиб, узокдаги Хиротга йўл олди. Вахоланки, шу ерда хозир бўлган табиблар биринчи ёрдам сифатида касалдан кон олишни маслаҳат бердилар. Бирок Хўжа Абдулло бош табиб Абдулхайнинг Навоийни Хиротга олиб бориб, бошка табибларни ҳам йигиб, уларнинг ҳам фикрини тинглаб, кейин бирор даво чорасини топармиз, деган таклифига кўнди.

Ўша жойда бўлган табиблар, амалдор ва тарихчи Хондамир эса Абдулхай ва Хўжа Абдуллога Ибн Синонинг сакта касали юз берганида, биринчи навбатда кон олиш кераклигини, кейин бемор аста-секин ўзига келиб, тузала бошлашини ёзганлигини айтишади. Аммо Абдулло бош табиб Абдулхайнинг фикрига таянади ва Навоийни олиб Хирот томон йўлга тушди.

Хондамир «Хабиб ус-сияр» асарида катта хатога йўл кўйган сарой табибини «табобатдан лоф уриб юрувчи» мавлоно Абдулхай Зиёратгохий», деб таърифлайди. Хакикатдан ҳам, нахотки Хуросоннинг бош давлат табиби бўлмиш ул зот сакта юз берганида кон олиш кераклигидан беҳабар бўлган? Табиийки, табиблик фаолиятини кишлокда бошлаб, Хуросондек катта давлатнинг бош табиби бўлиш даражасига борган Абдулхай ўз фаолияти давомида юзлаб беморларни, шунингдек, сакта касалига учраганларни ҳам даволаган, Ибн Синонинг «Тиб конунлари»ни ўқиган. Зеро, ўша вақтда табобат билан шугулланувчи киши учун устозининг ўғитларига амал қилибгина колмай, Ибн Сино асарларини ўқиш, ўрганиш ўзига хос койдага айланганди. Шундай экан, Абдулхайдек сарой бош табиби сакта касали юз берганида, бемордан биринчи бўлиб кон олиш кераклигини билмасди, деб бўлмайди. Хўш, унда нега у беморни Хиротга олиб боргачгина даволаш керак, деб хатога йўл кўйди?!

Балки, подшоҳ дўстининг касали огирлашса, жавобгарлик бўйнига юкланишидан чўчигандир?! Хўш, у нега иккиланиб, Хиротга боришни маъкул кўрди? Вахоланки, сактага карши иккита чора бўлсагина бирини танлашга кийналиб, иккиланиши, масъулиятдан, подшоҳ қахридан кўркиши мумкин эди. Бирок ягона чора кон олиш шарт бўлган.

Шундай шароитда Навоий хазратлари миҳаффада Хирот томон олиб кетиларкан, ахволи гоят огирлашди. Хондамир бемор учун подшоҳ маъсул қилган Хўжа Абдуллога агар хозир кон олинмаса, кейин даволашга чора колмаслигини айтди. Хўжа Абдулло эса ўн саккиз километр узокда бўлган Хусайн Бойкародан махсус буйруқ кутди. Чопар подшоҳ

хузур бориб, кайтиб келгунича беморнинг ахволи огирлашиб, касаллик зўрайиб кетганди. Фурсат кўлдан кетгани ва подшоҳ розилик билдиргани боис, табиблар кон олганларида 300-350 грамдан зиёд кон чикмади. Кечикиб кўлланилган чора ёрдам бермагач, Навоий Хиротга олиб келиниб, уйига ётқизилди. Ундан яна кон олишга ҳаракат қилишди. Аммо вақт ўтган эди. Шундан сўнг ахволи огирлашган дўстини кўргани келган Бойкаро бутунлай беҳуш ётган Навоийнинг олдида кўз ёши тўкди.

Шу ўринда саволлар тугилади. Нахотки, Хуросон ҳукмдори учун ҳушидан кетган дўстини амалдор ва табибларга топшириб, Париён работига кетиш шунчалик зарур бўлса? Балки, ўша дамда подшоҳ Навоий ёнида бўлиб, табиблар кон олишни таклиф қилганида кўнар, эҳтимол Навоий хазратлари тузалиб кетармиди? Ахир Хондамир айтганидан сўнг Бойкарога чопар юборилганида, бемор дўсти билан подшоҳ турган макон орасидаги масофа атиги ўн саккиз километр экан-ку! Дўстининг холидан хабар олиб, даво чоралари кўллангач, Хиротга бирга борсаям бўларди-ку! Умуман, факат ўзининг айтганини афзал билиб, бошқалар фикрига таянмайдиган, кулок солмайдиган Абдулхайдек табиб давлатнинг бош табиби бўлиши, Навоий ўлимидан кейин ҳам «хато»си эътиборга олинмай, лавозимида колдирилиши, файласуф шоир — Хуросон ҳукмдорининг сиёсатда мантисиз иш юритганини англамайми?

Хуллас, саволлар бисёр. Тарихга факат бугунги кунда тугилган саволлар билан ёндашиб бўлмайди, албатта. Аммо, XVI асрдаёқ, Хондамирда шунга ўхшаш саволлар тугилган ва «Ҳабиб ус-сияр»да акс этган экан, бу «табобатдан лоф уриб юрувчи» Абдулхай Зиёратгохий катта хатога йўл кўйганини кўрсатади. Мудҳиш хато, қолаверса, тақдири азал сабабли, буюк мутафаккир ва давлат арбоби Навоий хазратлари 1501 йил 3 январь куни вафот этди.

### Навоий ўзига қабр тайёрлатганмиди

Дўстининг кутилмаганда вафот этиши Байкарога шунчалик огир таъсир қилдики, у анча вақтгача ўзигь келолмай юрди. 1501 йил 3 январдан 6 январгача дўстининг уйида аза тутиб ўтирди. Барча маъракаларга ўзи бош бўлди. Унинг учун Хиротдаги энг табарррук зиёратгоҳ қадамжо ҳам Сари Пули Инжил жомеъ масжиди ховлисидаги қабр бўлиб қолди. Зеро, бу ерга буюк мутафаккир Мир Алишер Навоий хазратлари дафн этилган эди.

Қадим Хиротнинг хушманзара мухтор тоғ ён бағрида жойлашган Мусалло (Намозгоҳ)да Хуросон ҳукмдори Хусайн Бойкаро кўплаб меъморий обидалар бунёд қилдирганди. Уларнинг аксарияти эса Мир Алишербек хазратлари бошчилигида барпо этилган эди. Бу жойлар Алишербек учун кадрдон гўшалигининг сабаби, Мусаффо атрофидаги Баликли булоғи ёнида амакиси Хайдарбек-нинг ховлиси бўлиб, у ёшлигидан маърифатли амакиси билан гурунглашгани бу ерга тез-тез келиб турарди. Вақт ўтиб, Хуросон давлатида муҳрдор, вазир ва ҳоким даражасига етишгач эса, бор бойлигига қатор иншоотлар барпо

эттирди.

Айникса, Мусаллодек сўлим жойда Навоий хазратлари масжиди жомеъ, «Шифоия» шифохонаси, «Дор ул-хуффоз» (корилар) мадрасаси, «Сафоия» хаммоми, Инжил ариги ёкасида эса «Халосия» хонакохи ҳамда «Ихлосия» мадрасасини бунёд эттирганди.

Колаверса, умри ўтгани сайин Алишербек махзун хаёллар огушида юрадиган бўлди. Ўзи «Махбуб ул-кулуб» асарида ёзганидек, «Бу хоксор ва паришон рўзгор камина болалиқдан то қариликка қадар, кўхна даврон воқеаларидан, айланувчи осмон ходисаларидан, фитна кўзговчи бўкала-мунлигидан, товламачилигидан, замонанинг ранг сингари гуногунлигидан кўп вақт ва узок, муддат ҳар хаёл ва тараддудлар билан овора бўлиб юрдим... «

Ана шундай «тараддуд»лардан бири иссиқ жон эмасми, қолаверса, ўлимини бўйнига олмаган мусулмон эмас, деганларидек ўзига қабр тайёрлатиш бўлди. Алишер Навоийнинг ўзига тириклигида қабр тайёрлатиши замондошларини хайратлантирган, бу ҳолнинг сабабини тушуна олмаганлар ҳам бўлган.

Негаки, Алишербек ўзига Хиротнинг Ризавия боғи ҳовлисида, Абдулла Ансорий мазорида, Саъдиддин Кошгарий мазорида ва ўзи солдирган Сари Пули Инжил масжиди жомеъ ҳовлисида қабр тайёрлатиб қўйганди. Навоийнинг тўртта жойдан ўзига қабр тайёрлатгани, ҳатто Абдурахмон Жомийни ҳам таажжубга солди.

Ўша даврда яшаб ижод этган Фаҳриддин Али Сафийнинг «Латоиф ут-тавоиф» асарида ёзилишича, баъзилар Жомийга Алишербекнинг қабр тайёрлатиб қўйганини айтиб беришганида, у «Мир Алишер бу қабрларнинг қайси бирида ётмоқчи экан ўзи» дея мутойиба ҳам қилган эканлар.

Табиийки, Навоийнинг қабр тайёрлатган масканлари хиротликлар учун энг табаррук жойлар эди. Хожа Абдулла Ансорий «Пири Хирот» дея доврुक таратган пешво бўлиб, кўплаб хиротликлар ўша масканга дафн этилишини васият қилдилар. Ризавия боғи ҳам Хиротдаги энг муқаддас жой ҳисобланган. Ўз вақтида накшбандия ҳожаларининг халифаси бўлган Мавлоно Саъдиддин Кошгарий мазори ҳам "табаррук" маскан эди.

Тўртинчи қабр тайёрланган жой «Сари Пули Инжил» масжиди жомеъ ҳовлиси ҳам Навоийнинг тез-тез ташриф буюриб турадиган қадамжоларидан бўлган. Умуман олганда, Навоий хазратлари мўмин-мусулмон банди сифатида қаерга борса, олдинга табаррук қадамжоларни зиёрат қиларди. Хиротдаги ўзига қабр тайёрлатган жойлар ҳам Навоий хазратлари мунтазам зиёрат қилиб турадиган масканлардан бўлган. Ҳатто, Алишербек ҳажга боравериши ортга сурилавериб, исломнинг бешинчи фарзи армонга айланажагини англагач, дўсти Хусайн Бойқародан Хожа Абдулло Ансорий зиёратгоҳининг жорубкаш (супурувчи)лигини ҳам сўраб олганди. Навоий бу қадамжога келиб, Ансорий макбараси атрофларини супуриб кетарди. Кейинчалик эса бу ерда хонакоҳ қурдириб, теварак-атрофни яна ҳам обод қилди.

1501 йил 3 январда Алишербек мияга қон қуйилиш касаллигидан вафот этгач,

кариндош-уруглари уни Сари Пули Инжил масжиди ховлисидаги олдиндан ўзи тайёрлатиб кўйган кабрга дафн этишади. Кейинчалик Навоий дафн килинган масжиди жомени хиротликлар «Кудсия», яъни мукаддас жой дея атайдиган бўлдилар.

Умид Бекмухаммад